

Naqqiut

Siunnersuut 22. agusti 2018-meersoq taarserpaa
(Kalaallisut siunnersuummi oqaasertanik iluarsiisoqarpoq)

**Unga siunnersuut: Sermip erngullu niuernikkut iluaqutigineqarnissaat pillugu
 Inatsisartut inatsisaat nr. xx, xx. xxx 2018-imeersoq**

Kapitali 1

Atuuffissai

§ 1. Inatsisartut inatsisaanni sermimik imermillu atuinermut niuernikkut iluaquteqarnissaq, tassungalu atatillugu misissuinerit taakkuninngalu Kalaallit Nunaanni avammullu tuniniaanerit malittarisassiorneqarput.

Imm. 2. Inatsisartut inatsisaat Kalaallit Nunaanni nunami imaanilu oqartussaaffimmi atuuppoq

Imm. 3. Inatsisartut inatsisaat, Kalaallit Nunaanni tamat atuineraannut pilersuinissaq siunertaralugu sermimik imermillu atuinermut imaluunniit imermik nukissiuuteqarnissamut sermimit imermillu isumalluutinik atuinermut kiisalu tamatumunnga atatillugu misissuinernut, atuutinngilaq.

§ 2. Inatsisartut inatsisaat naapertorlugu akuersisummik aatsaat tunniussisoqarsimappat aammalu inatsisartut inatsisaat naapertorlugu aalajangersakkat akuersissuteqarnermilu piumasaqaatit taamaallaat naapertorlugit sermimik imermillu niuernikkut iluaquteqarneq tassungalu atatillugu misissuinerit pisinnaapput.

Imm. 2. Namminersorlutik Oqartussat imermut sermersuaqarfinnullu tunngasunik nalinginnaanerusunik aammalu nalunaarsuiffiusunik ilisimatuussutsikkut suliassatigullu misissuisinnaapput. Misissuinerit taamaattut naalagaaffimmit imaluunniit nunani allani oqartussanit sullissivinnillu allanit taamaallaat akuersissut Inatsisartut inatsisaat malillugu Naalakkersuisut tunniunneqarsimasoq malillugu ingerlanneqarsinnaapput.

Imm. 3. Kalaallit Nunaannit sermimik imermillu avammut nioqquteqarneq taamaallaat Naalakkersuisunit akuersisummik tunineqareernerup kingorna pisinnaavoq.

Kapitali 2

Misissueqqaarnerit

§ 3. Naalakkersuisut sumiiffimmut erseqqinnerusumik killissalersorneqartumut aammalu atugassaritaasut erseqqinnerusumik aalajangersarneqartut tunngavigalugit sermimik

imermillu niuernikkut iluaquteqarnissamut periarfissat pillugit misisueqqaarnermik suliaqarnissamut kisarmaassiviunngitsumik akuersissuteqarsinnaapput.

Imm. 2. Akuersissut ukiut pingasut tikillugit atuuttussanngorlugu tunniunneqarsinnaavoq.

Kapitali 3

Atuineq

Atuinissamut akuersissut

§ 4. Naalakkersuisut sumiiffimmut erseqqinnerusumik killissalersorneqartumut aammalu atugassaritaasut erseqqinnerusumik aalajangersarneqartut tunngavigalugit, sermimik imermillu niuernikkut iluaquteqarnissamut akuersissummik tunniussisinnaapput.

Imm. 2. Imm. 1 naapertorlugu atuinissamut akuersissummi sermimik imermillu atuinissamut akuersissut naapertorlugu atorneqartumik annerpaaffiliisinnaapput (atorneqartup annertussusia), taamaattorli takukkit §§ 6-7.

Imm. 3. Atuinissamut akuersissut immikkut sermimut aamma imermut tunniunneqarsinnaavoq.

Imm. 4. Akuersissut malillugu atuineq piffissamut killiliussap akuersissummi aalajangersagaasup iluani aallartinneqarsimangippat atuinissamut akuersissut atorunnaassaaq.

Imm. 5. Piffissamut killiliussaq akuersissummik tunniussinerup kingorna ukiunit 5-init kingusinnerusinnaanngilaq, taamaattoq takuuk § 16.

Imm. 6. Inatsisartut inatsisaata matuma atuutsinnera sioqqullugu sermimik imermillu atuinissamut iluaquteqarniarluni aamma Kalaallit Nunaanni nioqquteqarniarluni suliffeqarfitt suliaqartuusut tamakku pillugit qinnuteqarteqqaarnagit Naalakkersuisunit akuersissuteqarfingeqartillugit nalunaarfingeqassapput.

Kisarmaassisussaatitaalluni imaluunniit kisarmaassisussaatitaanani atuinissamut akuersissut

§ 5. § 4 malillugu nunami sumiiffimmut imaluunniit imaani sumiiffimmut atuinissamut akuersissut kisarmaassisussaatitaaffilimmik imaluunniit kisarmaassisussaatitaaffeqanngitsumik tunniunneqarsinnaavoq.

Imm. 2. § 4 malillugu atuinissamut akuersissut kisarmaassisussaatitaaffilimmik tunniunneqarsinnaavoq:

- 1) Sumiiffimmut aalajangersimasumut, taamaattoq takukkit imm. 3 aamma § 9, imm. 4.
- 2) Sermimut isumalluummut imaluunniit imermut isumalluummut aalajangersimasumut, taamaattoq takukkit imm. 3 aamma § 9, imm. 4.
- 3) Sumiiffimmit aalajangersimasumit imaluunniit sermimit isumalluummit imaluunniit imermit isumalluummit aalajangersimasumit atuinerup annertussusaanut aalajangersimasumut, taamaattoq takukkit imm. 3 aamma § 9, imm. 5.

Imm. 3. Pisinnaatitsissummik pigisaqartoq § 4 malillugu atuinissamut akuersissutip, kisermaassisussaatitaanani atuinissamut akuersissummit kisermaassisussaatitaalluni atuinissamut akuersissummut imaluunniit killormut, allanngortinneqarnissaa pillugu Naalakkersuisunut qinnuteqarsinnaavoq. Taamaattoqarpat pisinnaatitaaffit kalluarneqartut allat eqqarsaatigalugit, tamanna pillugu Naalakkersuisut aalajangiissapput.

Imm. 4. Imm. 3 malillugu atuinissamut akuersissutip allanngortinneqarnerani, atuinissamut akuersissummut tapiliussami akuerineqassaaq.

Atorneqartut annertussusaasa allannguiteqarnerat

§ 6. Pisinnaatitsissummik pigisaqartoq, atuinissamut akuersissut, takuuk § 4, imm. 2, malillugu atinerup annertussusaata allanngortinneqarnissaa pillugu Naalakkersuisunut qinnuteqarsinnaavoq.

Imm. 2. Atuinissamut akuersissummi atinerup annertussusaata allanngortinnissaa pillugu aalajangiineq, pissutsit makkua tunnavigalugit aalajangiiffigineqassaaq:

1) Sermip aamma erngup annertussusai ukiumi ataatsimi pingaartumillu ukiumi kingullermi piffissami akuersissuteqarfiusumi atorneqartut, aamma pisinnaatitsissummik pigisaqartup tamatumunnga nalunaarusiaa, takuuk § 22, imm. 2.

2) Sermip aamma erngup annertussusai, pisinnaatitsissummik pigisaqartup piffissap akuersissuteqarfiusup sinnerani atugassaatut ilimagineqartut, aamma pisinnaatitsissummik pigisaqartup tamatumunnga atuinissamut pilersaarutaa akuerisaasoq.

Imm. 3. Atinerup annertussusaani allanngortitsineq atuinissamut akuersissummut tapiliussami aalajangersarneqassaaq.

Pisortat pilersuisussaatitaanerat

§ 7. Atuisartunut najukkameersunut imermik pilersuineq, pisinnaatitsissummik pigisaqartunit Inatsisartut inatsisaat manna malillugu atuinissamut akuersissummit peqartunit saliutillugu pingarnerutinneqarpoq.

Imm. 2. Suliffeqarfiit pilersuisut najukkameersut tamarmik pisariaqartitsinerat tamakkiisumik naammassineqareerpat, takuuk imm. 1, sermimik imermillu atorneqanngitsumik sinneruttoqarpat, sinneruttut allanut Inatsisartut inatsisaat manna malillugu atuinissamut akuersissummut pigisaannut naleqqiullugu pisinnaatitsissummik pigisaqartut akornanni agguarneqassapput.

Iermik sinneruttumik atuinissamut akuersissut

§ 8. Naalakkersuisut ingerlatseqatigiiffimmut, pisortat suliffeqarfiannit pilersuisumit imermik sinneruttumik pisinissaq pillugu isumaqatigiissuteqarsimasumut, imermik niuernikkut iluaquteqarnissamut akuersissummik tunniussisinnaapput.

Imm. 2. Imm. 1 malillugu atuinissamut akuersissut taamaallaat, pisinnaatitsissummik pigisaqartoq suliffeqarfimmit pilersuisumit imermik sinneruttumik pisinissaq pillugu pisortat suliffeqarfiannut pilersuisumut isumaqatigiissuteqarsimappat, aammalu atuineq isumaqatigiissut tunngavigalugu aammalu isumaqatigiissummut naapertuuttumik ingerlanneqarpat, aatsaat imermik sinneruttumik atuisinnaatitsivoq.

Imm. 3. Pisinnaatitsissummik pigisaqartup pisortat suliffeqarfiannit pilersuisumit, imm. 1-imi taaneqartutut, imermik sinneruttumik pisinissaq pillugu isumaqatigiissuteqarnera, pisortat suliffeqarfiata pilersuisup pilersuisussaatitaanera aamma tamatumunnga inatsisit malillugit pisussaaffii allat eqqarsaatigalugit, isumaqatigiissutigineqassaaq naammassineqassallunilu. Iermik pisinissamut isumaqatigiissut tamatumunnga atugassarititaasunik imaqassaaq. Iermik pisinissamut isumaqatigiissut tamatuma saniatigut imermik pilersuinissaq pillugu atugassarititaasunik imaqarsinnaavoq, ilangullugu imermik minnerpaamik annerpaamillu aalajangersimasumik annertussusilimmik aammalu imermik aalajangersimasumik pitsaassusilimmik pilersuineq, aammalu imermik pilersuinermut akiliuteqarneq pillugit. Pisortanit suliffeqarfik pilersuisoq, ilaatigut suliffeqarfiup pilersuisup inuussutissarsiornikkut soqutigisai aamma atugai tunngavigalugit atugassarititaasut taamaattut aamma allat tunngavigalugit imermik pisinissamut isumaqatigiissuteqarsinnaavoq tassanngalu naammassinnissinnaalluni.

Imm. 4. Imm. 1-3 malillugit allatut pisoqartussaasimanngippat, §§ 4-7-imi aalajangersakkat aamma imm. 1 malillugu atuinissamut akuersissummut atuupput.

Pisinnaatitsissummik pigisaqartoq

§ 9. §§ 4 imaluunniit 8 malillugit atuinissamut akuersissut taamaallaat aktiaatileqatigiiffimmut imaluunniit piginneqatigiiffimmut, Kalaallit Nunaanni angerlarsimaffeqartumut, taamaallaat Inatsisartut inatsisaat malillugu akuersissummi pineqartunik ingerlatanik suliaqartumut, aammalu ingerlatseqatigiiffinnik allanik akileraaruteqaqateqartanngitsunut, tunniunneqarsinnaavoq, taamaattoq takuuk imm. 2.

Imm. 2. §§ 4 imaluunniit 8 malillugit atuinissamut akuersissut aktiaatileqatigiiffimmut imaluunniit piginneqatigiiffimmut, Kalaallit Nunaanni angerlarsimaffeqartumut, ingerlatanik Inatsisartut inatsisaat malillugu akuersissummi pineqartunut ilaasunik aammalu ingerlatanik allanik suliaqartumut, aammalu tamatumunnga inatsisit malillugit ingerlatseqatigiiffinnik allanik akileraaruteqaqateqarsinnaasumut, tunniunneqarsinnaavoq. Atuinissamut akuersissut taamaattoq, akuersissut malillugu pisinnaatitsissummik pigisaqartoq § 25, imm. 3-imi

pineqartunut ilaanngitsoq pillugu atugassarititaasunik imaqassaaq.

Imm. 3. Atuinissamut akuersissut malillugu pisinnaatitsisummiq pigisaqartoq atuinermik ingerlatanik aammalu ingerlatanik allanik akuersissummi pineqartunut ilaasunik suliaqarsinnaanissamut pisariaqartunik suliamut paasisimasaqassaaq aammalu aningaasaqarnikkut pisinnaasaqassalluni.

Imm. 4. § 4 malillugu atuinissamut akuersissut, sumiiffimmut imaluunniit sermimut isumalluummut imaluunniit imermut isumalluummut aalajangersimasumut, atuinissamut periarfissaqarfiusut pisinnaatitsisummiq pigisaqartumit atorneqartussatut naatsorsuutigineqarpata taamaallaat kisermaassisussaatitaanermik ilaqtinneqarsinnaavoq.

Imm. 5. §§ 4 imaluunniit 8 malillugit atuinissamut akuersissut, atuinerup annertussusaanut, takuuk § 4, imm. 2, pisinnaatitsisummiq pigisaqartup pisariaqartitsineranit annertuumik annertunerusumut, kisermaassisussaatitaanermik ilaqtinneqarsinnaanngilaq.

Pisortat pilersuisussaatitaanerat tunngavigalugu akuersissutip allanngortinneqartarnera

§ 10. Naalakkersuisut nunami sumiiffiup iluani § 4 malillugu kisermaassisussaatitaalluni akuersissummi pineqartumi ilaasumi, sumiiffinni najugaqarfigineqartuni atuisunut pilersuinissaq siunertaralugu sermimik imermillu atuinissamut allamut akuersissummiq tunniussisinnaapput.

Imm. 2. Imm. 1 malillugu akuersissummiq tunniussineq § 5 naapertorlugu kisermaassisussaatitaalluni akuersissut malillugu pisinnaatitsisummiq pigisaqartup taarsiivigineqarsinnaatitaaneranik imaluunniit Naalakkersuisunut imaluunniit allamut tassunga allanik piumasaqarsinnaatitaaneranik piginnaatitaaffeqarneranillu, malitseqassanngilaq.

Piffissaq akuersissuteqarfiusoq

§ 11. §§ 4 imaluunniit 8 malillugu atuinissamut akuersissut piffissamut akuersissuteqarfiusumut ukiut 20-t angullugit tunniunneqarsinnaavoq.

Imm. 2. Naalakkersuisut piffissaq akuersissuteqarfiusoq imm. 1-imi taaneqartoq atugassarititaasut erseqqinnerusumik aalajangersarneqartut malillugit sivitsorsinnaavaat. Taamaattoq piffissaq akuersissuteqarfiusoq tamarmiusoq ukiunit 30-nit sivisunerusinnaanngilaq.

Imm. 3. Piffissap akuersissuteqarfiusup sivitsorneqarnera atuinissamut akuersissummut tapiliussami aalajangersarneqassaaq.

Atuinissamut akuersissummik tunniussineq

§ 12. Naalakkersuisut §§ 4 imaluunniit 8 malillugit periaatsit imm. 2-4-mi taaneqartut arlaat atorlugu atuinissamut akuersissummik tunniussisinnaapput.

Imm. 2. Atuinissamut akuersissut tamatuminnga qinnuteqartoqarneratigut tunniunneqarsinnaavoq.

Imm. 3. Atuinissamut akuersissut atuinissamut akuersissutit ataatsip imaluunniit arlallit tunniunneqarnissaat pillugu nalinginnaasumik tamanut ammasumik qinnuteqaqqusereernerup kingorna (neqerooruteqartitsineq) tunniunneqarsinnaavoq. Naalakkersuisut neqeroortitsineq pillugu nalunaarut, qinnuteqarnissamut piffissamut killiliussap naannginnerani minnerpaamik ullut 90-it sioqqullugit tamanut saqqummiutissavaat. Nalunaaruteqarneq Naalakkersuisut nittartagaanni aammalu allatut tamanut saqqummiunneqassaaq.

Imm. 4. Sumiiffik aalajangersimasoq piffissami aalajangersimasumi tamatuminnga qinnuteqarnikkut atuinissamut akuersissut ataaseq imaluunniit arlallit tunniunneqarnissaannut ammatinneqassasoq (suleriaaseq ammasoq), aalajangersakkanik Naalakkersuisut aalajangersaasinnaapput. Suleriaaseq ammasoq pillugu Naalakkersuisut nittartagaanni aammalu allatut Naalakkersuisut tamanut saqqummiussissapput. Suleriaaseq ammasoq malillugu atuinissamut akuersissummik tunineqarnissamik qinnuteqaat, ammasumik suleriaatsip nalunaarutigineqarnerata tamanut saqqummiunneqareernerata kingorna siusinnerpaamik ullut 90-it qaangiunneranni aatsaat tunniunneqarsinnaavoq.

Imm. 5. Naalakkersuisut tamatuminnga qinnuteqaammik, suleriaatsit imm. 2-4-mi taaneqartut arlaat malillugu tunniunneqartumik, tigusaqarsimagaluarunilluunniit, Naalakkersuisut atuinissamut akuersissummik tunniussinngissinnaapput.

§ 13. Naalakkersuisut akuersissummik qinnuteqaatip imarisassai tunniunneqartarneralu aammalu atuinissamut akuersissummik tunniussisarneq pillugit aalajangersakkanik erseqqinnerusunik aalajangersaasinnaapput.

Kapitali 4 *Atuinissamut pilersaarut*

§ 14. Atuinissamut akuersissut malillugu pisinnaatitsissummik pigisaqartoq atuinermi ingerlatassanut tamarmiusunut atuinissamut pilersaarummik suliaqassaaq.

Pisinnaatitsissummik pigisaqartup atuinermink aallartinnginnerani, taakkununnga sanaartukkanik pilersitsinnginnerani imaluunniit tamatumunnga atugassanik allanik iliuusissanik suliaqalinnginnerani, atuinissamut pilersaarut Naalakkersuisunit akuerineqarsimassaaq. Naalakkersuisut akuersissuteqarnermi atugassarititaasut aalajangersarsinnaavaat.

Imm. 2. Atuinissamut pilersaarut imm. 1-imí taaneqartut saniatigut pissutsit makkua pillugit paasissutissanik imaqassaaq:

- 1) Paasissutissat upernarsaatillu sermimit tunisassiat aamma imermit tunisassiat allanut tuniniarneqalernerminni qanoq pitsaassuseqassanersut, aammalu pisinnaatitsisummiq pigisaqartup qanoq iliorluni tunisassiat pitsaassusaat qulakkeerniarneraat.
- 2) Ingerlatseqatigiiffiup pisinnaatitsisummiq pigisaqartup aningaasaqarnikkut pisinnaasaqarnera, ilanngullugit atuinermi ingerlatanut atatillugu taassuma akiliisinhaassuseqarnera tigoriaannarnillu aningaasaateqarnera.
- 3) Atuinermi ingerlatat aningaasalersornerat.
- 4) Aningaasaqarnikkut pissarsiaqarfiusumik atuinermi ingerlanneqarnissaanut periarfissat.
- 5) Atuinermi ingerlatanut atatillugu avatangiisirut tunngasunik naliersuineq.
- 6) Atuinermi ingerlatanut atatillugu kalaallnik nuanillu allamiunik sulisoqarnermik aamma nioqquqissanik pilersuinernik kiffartuussinernillu naliersuineq.

Kapitali 5

*Uninnissamut pilersaarut aamma iluaqiteqarnermi ingerlatanik unitsitsigallarneq
Uninnissamut pilersaarut*

§ 15. § 14 malillugu atuinissamut pilersaarutip akuerineqarnissaa pillugu qinnuteqaammik tunniussinermut atatillugu pisinnaatitsisummiq pigisaqartoq uninnissamut pilersaarutip akuerineqarnissaa pillugu qinnuteqaammik Naalakkersuisunut tunniussissaq. Uninnissamut pilersaarummi allassimassaaq:

- 1) Pisinnaatitsisummiq pigisaqartoq saliinissamut aamma sanaartukkat akuersissut malillugu pilersinneqarsimasut peernissaannut tunngatillugu, ingerlatat uninneranni qanoq iliussanersoq.
- 2) Sanaartukkat sumiiffimmi qimanneqartussatut pilersaarutigineqartut, avatangiisirut imaluunniit isumannaallisaanermik pissuteqartumik ingerlatat unereerneranni aserfallatsaaliorneqartariaqarsimappata, aserfallatsaaliuineq taanna qanoq ingerlanneqarnersoq, uninnissamut pilersaarummi allassimassaaq.
- 3) Pilersaarutip piviusunngortinnejqarsinnaanissaa aningaasaqarnikkut qanoq qulakkeerniarneqarnersoq.

Imm. 2. Atuinermi aallartinnginnerani uninnissamut pilersaarut Naalakkersuisunit akuerineqareersimassaaq, takuuq § 14. Uninnissamut pilersaarut ingerlaavartumik nutarterneqassaaq aammalu atuinermi ingerlatanut tunngatillugu imaluunniit pissutsinik allanik uninnissamut pilersaarummut pingaaruteqartunik imaluunniit taassuma ingerlanneqarneranni annertuunik allanngortitsinerni allanngortinnejqassalluni. Uninnissamut pilersaarummik allanngortitsinerit Naalakkersuisunit akuerineqassapput.

Imm. 3. Atuinissamut akuersissut malillugu ingerlatat unitsinneqarpata, Naalakkersuisut pisinnaatitsissummik pigisaqartoq uninnissamut pilersaarutip piviusunngortinnejarnissaanik peqqusinnaavaat.

Ingerlatat unitsikkallarneqarnerat

§ 16. Kingusinnerusukkut ingerlatat aallarteqqinnejarnissaat siunertalarugu atuinermi ingerlatanik suliaqarnerup unitsikkallarneqarnera Naalakkersuisunit akuerineqassaaq.

Imm. 2. Ilaatigut ingerlatat unitsinneqarneranni sanaartukkat aserfallatsaaliorneqarnerat aammalu ingerlatat aallarteqqinnejanngippata uninnissamut pilersaarutip § 15-imi taaneqartup piviusunngortinnejarnissaanissa qulakkeerniarlugu, Naalakkersuisut akuersissuteqarnermi atugassarititaasunik aalajangersaassapput. Akuersissut ukiut marlukkaarlugit tunniunneqartarsinnaavoq.

Imm. 3. Imm. 1 malillugu unitsitsigallarneq ukiunik 2-nik sivisunerusumilluunniit sivisussuseqarsimappat, imaluunniit taassumunnga akuersissuteqarnermut atugassarititaasut naammassineqanngippata, Naalakkersuisut pisinnaatitsissummik pigisaqartoq uninnissamut pilersaarutip piviusunngortinnejarnissaanik peqqusinnaavaat, takuuk § 15.

Kapitali 6

*Aalajangersakkanik atugassarititaasunillu aalajangersaasarneq aamma oqartussat
suliarinninnerat ilaalu ilanngullugit
Atugassarititaasunik aalajangersaaneq*

§ 17. §§ 3, 4 malillugit imaluunniit 8 malillugit akuersissummi aamma § 14 malillugu akuersissuteqarnermi, Naalakkersuisut teknikkimut, isumannaallisaanermut, avatangiisinut, nunaminertanut aamma isumalluutinut tunngasut pillugit atugassarititaasunik aalajangersaasinnaapput.

Imm. 2. §§ 3, 4 malillugit imaluunniit 8 malillugit akuersissummi aamma § 14 malillugu akuersissuteqarnermi, Naalakkersuisut pisinnaatitsissummik pigisaqartup Inatsisartut inatsisaat, akuersissut aamma akuersissuteqarnerit malillugit pisussaaffimminik naammassinninnissaata qulakkeernissaanut atugassarititaasunik aalajangersaasinnaapput, ilanngullugit qularnaveeqqusinissaq pillugu atugassarititaasut.

Imm. 3. Sermimik imermillu, imerneqartussatut, nerisassiornermut, inuussutissanik piareersaanermut, illup iluani siunertanut allanut assigisaannulluunniit atorneqarsinnaasumik, atuineq pillugu pitsaassusissanut tunngasut aamma peqqinnissamut tunngasut pillugit aalajangersakkanik Naalakkersuisut aalajangersaasinnaapput. Naalakkersuisut aamma tamanna pillugu atuinissamut akuersissummi atugassarititaasunik aalajangersaasinnaapput.

Imm. 4. Sermimik imermillu, imerneqartussatut, nerisassiornermut, inuussutissanik piareersaanermut, illup iluani siunertanut allanut assigisaannulluunniit atorneqarsinnaasumik, atuineq pillugu pitsaassusissanut tunngasunik aamma peqqinnissamut tunngasunik nakkutiginninneq aamma pisinnaatitsissummik pigisaqartup nammneq nakkutiginninnera pillugit aalajangersakkanik Naalakkersuisut aalajangersaasinnaapput. Naalakkersuisut aamma tamanna pillugu atuinissamut akuersissummi atugassarititaasunik aalajangersaasinnaapput.

§ 18. Pisinnaatitsissummik pigisaqartoq sumiiffimmi akuersissuteqarfiusumi aammalu sumiiffinni allani kalluarneqartuni ingerlaavartumik saliissassoq pillugu atugassarititaasunik §§ 3, 4 malillugit imaluunniit 8 malillugu akuersissummi Naalakkersuisut aalajangersaassapput.

Imm. 2. Pisinnaatitsissummik pigisaqartoq ingerlatat unitsinnejerneranni, uninnissamut pilersaarummut taaneqartumut naapertuuttumik, takuuk § 15, sumiiffimmi akuersissuteqarfiusumi aamma sumiiffinni kalluarneqartuni allani saliissassoq aammalu sanaartukkat akuersissut malillugu pilersinnejartut, piissagai pillugu atugassarititaasut aamma Naalakkersuisut aalajangersassavaat.

Imm. 3. Pisinnaatitsissummik pigisaqartup akuersissut malillugu pisussaaffimminik naammassinninnissaata qulakteernissaanut atugassarititaasunik Naalakkersuisut §§ 3, 4 malillugit imaluunniit § 8 malillugu akuersissummi aalajangersaasinnaapput, ilanngullugit pisussaaffiit imm. 1-imi taaneqartut. Naalakkersuisut ilanngullugu tamakkiisumik ilaannaasumilluunniit qularnaveeqqusiinissaq pillugu atugassarititaasut aalajangersarsinnaavaat.

§ 19. Pisinnaatitsissummik pigisaqartup saniatigut allat sumiiffimmi akuersissuteqarfiusumi sermimit imermillu isumalluutinik nammneq atugassaminnik atuinissamut periarfissaqassasut pillugu atugassarititaasunik Naalakkersuisut §§ 3, 4 malillugit imaluunniit 8 malillugu akuersissummi aalajangersaasinnaapput.

§ 20. Qanoq pisoqarnerani Naalakkersuisut akuersissut utertissinnaaneraat, aammalu akuersissutip atorunnaareernerata kingorna pisinnaatitsissummik pigisaqartup pisussaaffi qanoq annertutigisumik atuutiinnassanersut pillugit atugassarititaasunik Naalakkersuisut §§ 3, 4 malillugit imaluunniit 8 malillugu akuersissummi aalajangersaasinnaapput.

§ 21. Naalakkersuisut aamma pisinnaatitsissummik pigisaqartup akornanni akuersissut imaluunniit ingerlatat imaluunniit akuersissummut atatillugu pissutsit pillugit aaqqiagiinngissuteqarneq, isumaqatigiissitsiniarnikkut eqqartuussivimmuit suliakkiunneqassasoq imaluunniit suliakkiunneqarsinnaasoq aammalu tassani aalajangiiffiqeqassasoq pillugu atugassarititaasunik Naalakkersuisut §§ 3, 4 malillugit imaluunniit 8 malillugu akuersissummi aalajangersaasinnaapput. Akuersissummi aamma

isumaqatigiissitsiniarnikkut eqqartuussiviup pilersinneqarnera, katitigaanera, inatsisinik toqqaasarneq aamma isumaqatigiissitsiniarnernik suliassat suliarineqartarneri pillugit atugassarititaasut aalajangersarneqarsinnaapput.

Nakkutilliineq aamma peqqusissuteqarneq

§ 22. Pisinnaatitsisummiq pigisaqartut allallu ingerlataat aamma pissutsit Inatsisartut inatsisaanni pineqartunut ilaasut Naalakkersuisut nakkutigissavaat. Nakkutilliinermi aamma nakkutiginninnej § 17-imni taaneqartoq pineqartunut ilaavoq.

Imm. 2. Inatsisartut inatsisaata aamma aalajangersakkat atugassarititaasullu erseqqinnerusut Inatsisartut inatsisaat malillugu aalajangersagaasut malinneqarnissaat aammalu taakkua malillugit pisussaaffit naammassineqarnissaat pillugu Naalakkersuisut aalajangiisinhaapput, ilanngullugu peqqusissuteqarneq. Peqqusissuteqarneq pisinnaatitsisummiq pigisaqartunut aamma allanut Inatsisartut inatsisaanni pineqartunut ilaasunut nalunaarutigineqarsinnaavoq.

Imm. 3. Naalakkersuisut Inatsisartut inatsisaanni suliassaqarfut iluanni suliassat erseqqinnerusumik killissalersugaasumik namminersortunut suleqatigisanut imaluunniit nunatsinni oqartussanut imaluunniit sullissivinnut allanut, nakkutilliinermk, nakkutiginninnermk imaluunniit Inatsisartut inatsisaanni suliassaqarfut iluanni pitsaassutsinut peqqinnissamullu tunngasunik paasissutissiisarnermk suliaqartunut, suliaritissinnaavaat.

Imm. 4. Nakkutilliinermut oqartussami sulisut aamma inuit allat imm. 1 malillugu immikkut piginnaatinneqartut, tamanna suliaqarnerminnik isumaginninnissamut pisariaqarsimappat, sukkulluunniit eqqartuussivimmi aalajangiinertaqanngitsumik aammalu peqqissaartumik kinaassutsimut uppernarsaammik takutitsinikkut suliffeqarfut ingerlatallu ilaannut tamaginnut isersinnaatitaapput.

§ 23. Pisinnaatitsisummiq pigisaqartup imaluunniit suleqatigisap allap Inatsisartut inatsisaanni pineqartunut ilaasup peqqusissuteqarneq malinngippassuk, takuuk § 22, imm. 2, ilanngullugit ingerlatat iliuusissallu § 17-imni taaneqartut, Naalakkersuisut:

- 1) Taakku pisinnaatitsisummiq pigisaqartup imaluunniit suleqataasup allap taassuma akiligassaanik annaasaqaatigisinhaasaanillu, suliaritissinnaavaat.
- 2) Pisinnaatitsisummiq pigisaqartup imaluunniit suleqataasup allap ingerlatai akuersisummi imaluunniit Inatsisartut inatsisaanni pineqartunut ilaasut ingerlaannaq imaluunniit piffissamut killiliussap aalajangersimasup iluani unitsinneqassasut aammalu peqqusissutip naammassineqareernerani aatsaat suliarineqaqqissinnaalissasut.
- 3) Sermeq imerlu niuernikkut iluaqtigineqartut nalunaaqtserneqassasut, arsaarinnissutigineqassasoq imaluunniit piuneerutsinneqassasoq, aammalu pisinnaatitsisummiq pigisaqartup sermeq imerlu atorneqartoq kaaviiartitsivinnit

kingusinnerusuniittunit utertissagaa, imaluunniit pisinnaatitsisummiik pigisaqartup sermimik imermillu atuineq imaluunniit tuniniaaneq unitsikkallassagaa, peqqusissuteqarsinnaapput.

Imm. 2. Imm. 1 malillugu peqqusissuteqarneq, pisinnaatitsisummiik pigisaqartup Naalakkersuisunit taarsiivigineqarnissamik imaluunniit allanik piumasaqaateqarsinnaanermik imaluunniit pisinnaatitaaffeqarnermik piginnaatitsisummiik malitseqassanngilaq.

Nalunaarusiortussaatitaaneq aamma isertuussisarneq

§ 24. Pisinnaatitsisummiik pigisaqartut allallu Inatsisartut inatsisaanni pineqartunut ilaasut, ingerlatamik Inatsisartut inatsisaanni pineqartunut ilaasut oqartussanit suliarineqarnerannut pisariaqartunik paassisutissanik tamaginnik nalunaarutiginnissapput aammalu upernarsaatinik tamaginnik tunniussissallutik. Naalakkersuisut oqartussat suliarinninnerata Inatsisartut inatsisaanni pineqartunut ilaasup ingerlannissaanut, pisinnaatitsisummiik pigisaqartut allallu paassisutissanik upernarsaatinillu taamatut aammalu Naalakkersuisut pisariaqartitaattut iluseqartumik tunniussissasut, peqqusisinnaapput.

Imm. 2. Pisinnaatitsisummiik pigisaqartoq ukiut tamaasa ingerlatat suliarineqartut aammalu taakkua inernerri pillugit ataatsimik arlalinnilluunniit nalunaarusianik Naalakkersuisunut tunniussissaq, ilanggullugu ingerlatat avatangiisiniut sunniinerat. Pisinnaatitsisummiik pigisaqartup paassisutissanik tunniussinissaa aammalu nalunaarusianik Naalakkersuisunut tunniussinissaa pillugit atugassarititaasut akuersissummi aalajangersarneqassapput.

Imm. 3. Ingerlatat aamma avammut nioqquteqarneq akuersissut imaluunniit allatigut Inatsisartut inatsisaanni pineqartunut ilaasut pillugit nioqqutissanik kiffartuussissutinillu pilersuisumi paassisutissanik upernarsaatinillu Naalakkersuisunut tunniussinissaa pisinnaatitsisummiik pigisaqartup qulakkiissagaa pillugu Naalakkersuisut atugassarititaasunik aalajangersaasinnaapput imaluunniit taakkua pillugit aalajangiisinhaallutik.

Imm. 4. Pisinnaatitsisummiik pigisaqartup nioqqutissanik kiffartuussissutinillu pilersuisua ingerlatat aamma avammut nioqquteqarneq akuersissummi imaluunniit allatigut Inatsisartut inatsisaanni pineqartunut ilaasut pillugit paassisutissanik upernarsaatinillu Naalakkersuisunut tunniussissasoq pillugu aalajangersakkanik erseqqinnerusunik Naalakkersuisut aalajangersaasinnaapput aammalu taakkua pillugit aalajangiisinhaallutik.

Imm. 5. Suliami pineqartoq aamma Naalakkersuisut suliami pineqartumut akuersissummiik tunniussisinnaanermut tunngasut imaluunniit suliami pineqartup akuersissummiik qinnuteqaammik tunniussisinnaaneranut tunngasut oqaluuserissappatigit imaluunniit pissutsit taakkununnga tunngasut oqaluuserippatigit, paassisutissat allakkiallu isertuussaanissaat pillugu Naalakkersuisut aalajangiisinhaapput. Naalakkersuisut tamanna pillugu aalajangiisimappata, isertuussinissami paassisutissat allakkiallu, pissutsit taaneqartut aallarniutaasumik oqallisigineqarnissaannut atatillugu suliarineqartut, tunniunneqartut imaluunniit Naalakkersuisunit tiguneqartut, kisimik pineqartunut ilaassapput.

Isertuussinissami tamatuma kingorna oqallisiginninnerit pineqartunut ilaannngillat,

ilanngullugit akuersissummut qinnuteqaammik tunniussineq. Isertuussinissaq suli ami pineqartup Naalakkersuisunik aallarniutaasumik oqaloqateqareernerata kingorna ukiut 3-it qaangiunneranni atorunnaassaaq.

Kapitali 7

Akitsuutit, akiliutit aamma oqartussat aningaasartuutaannik utertitsisarneq ilaalu ilanngullugit

§ 25. Pisinnaatitsisummit pigisaqartoq Namminersorlutik Oqartussanut makku tunngavigalugit akiliummik akiliuteqassasoq pillugu atugassarititaasunik §§ 4 imaluunniit 8 malillugu atuinissamut akuersissummi Naalakkersuisut aalajangersaasinnaapput:

- 1) sumiiffiup atuinissamut akuersissummi pineqartunut ilaasup annertussusaa (nunaminertamut akiliut).
- 2) sernip erngullu ilaalu ilanngullugit annertussusaa imaluunniit nalinga (tunisassiornermut akiliut), imaluunniit
- 3) ingerlatanit atuinissamut akuersissummi pineqartunut ilaasunit aningaasaqarnikkut pissariarineqartut (pissarsianut akiliut).

Imm. 2. Pisinnaatitsisummit pigisaqartup imm. 1 malillugu Namminersorlutik Oqartussanut akiliummik akilinissaa pillugu atugassarititaasunik aalajangersaanermi, pisinnaatitsisummit pigisaqartoq piffissami akuersissutip tunniunneqarnera aallarnerfigalugu akiliummik akiliisussaatinneqannginnissaa akuerineqarsinnaavoq.

Imm. 3. Pisinnaatitsisummit pigisaqartup imm. 1 malillugu Namminersorlutik Oqartussanut akiliummik akiliuteqarnissaa pillugu atugassarititaasunik aalajangersaanermi, pisinnaatitsisummit pigisaqartup piffissami akuersissutip tunniunneqarnera aallarnerfigalugu, ingerlatat akuersissummi pineqartunut ilaasut pillugit, tamatumunnga inatsisit malillugit akileraarutinik akitsuutinillu akiliisussaatinneqannginnissaa akuerineqarsinnaavoq, taamaattoq takuuk imm. 4.

Imm. 4. Imm. 3 atuinissamut akuersissut § 9, imm. 2-imi pineqartunut ilaasoq malillugu pisinnaatitsisummit pigisaqartumut atuutinngilaq.

Imm. 5. Imm. 3 malillugu akileraaruserneqartussaannginnerup nalunaarutigineqarnissaa sioqqullugu, Naalakkersuisut tamanna pillugu aningaasanut inatsimmi oqaasertaliussamik ilanngussinikkut piginnaatitsisummit pissarsissapput.

Akiliutit aamma aningaasartuutinik utertitsisarneq

§ 26. Pisinnaatitsisummit pigisaqartut allallu Inatsisartut inatsisaanni pineqartunut ilaasut Inatsisartut inatsisaat malillugu suliassamik suliarinninnermut allatullu oqartussaasut suliarinninnerannut atatillugu aningaasartuutinik akiliissapput. Akiliutissaq akiliutit imaluunniit aningaasartuutinik utertitsinertut akilersinneqarsinnaavoq.

Imm. 2. Naalakkersuisut Inatsisartut inatsisaat malillugu suliassamik suliarinninnermut allatullu oqartussat suliarinninnerannut atatillugu akiliutinik akiliisarneq imaluunniit tamakkiisumik ilaannaasumilluunniit aningaasartuutinut matussutissanik utertitsilluni akiliisarneq pillugit aalajangersakkanik erseqqinnerusunik aalajangersaasinnaapput.

Kapitali 8

*Akuersissutip allamut tunniunneqarnera, taarsiinissamut akisussaasuuneq aammalu eqqartuussivinnut aalajangiinissanut suliakkiisarneq ilaalu ilanngullugit
Akuersissutip allamut tunniunneqarnera*

§ 27. §§ 3, 4 malillugit imaluunniit 8 malillugu akuersissutip toqqaannartumik imaluunniit toqqaannangitsumik allamut tunniunneqarnera sunaluunniit Naalakkersuisunit akuerineqassaaq.

Imm. 2. §§ 3, 4 imaluunniit 8 malillugu akuersissut akiitsoqarfinnit malersorneqarernut atorneqarsinnaanngilaq.

Taarsiinissamut akisussaaffeqarneq

§ 28. Pisinnaatitsisumik pigisaqartup ajoqusernerit ingerlatani akuersisummi pineqartunut ilaasuni piliarineqartut, ajoqusernerit peratarsinnaagaluarpataluunniit, taarsiivigissavai.

Imm. 2. Ajoquserneqartoq piaaraluni imaluunniit mianersuaalliorujussuarluni ajoqusernermut pisooqataasimappat, imm. 1 malillugu taarsiissuteqarneq annikillisinneqarsinnaavoq imaluunniit atorunnaarsinnaalluni.

Imm. 3. Pisinnaatitsisumik pigisaqartup taarsiinissamut akisussaasuunera sillimmasiisummi imaluunniit allatut ilusilimmik qularnaveeqquisiinermi ilaatinneqassasoq pillugu atugassarititaasut akuersisummi aalajangersarneqarsinnaapput.

Imm. 4. Imm. 1-3-mi aalajangersakkat ingerlatanut allanit Inatsisartut inatsisaanni pineqartunut ilaasunit suliarineqartunut taamaaqataanik atuupput, ilanngullugit akuersissuteqarnerit Inatsisartut inatsisaat malillugu tunniunneqartut malillugit pisinnaatitsisumik pigisaqartut, tamatumani taakkua ingerlataat Inatsisartut inatsisaanni pineqartunut ilaasimappata.

Imm. 5. Pisinnaatitsisumik pigisaqartup nioqqutissanik kiffartuussissutinillu pilersuisui sillimmasiisummi imaluunniit qularnaveeqquisiisummi allatut ilusilimmi ilaatinneqassasut, aamma pilersuisup ingerlatani akuersisummi pineqartunut ilaasuni taarsiinissamut akisussaaffeqarnera ilaattillugu, pillugu Naalakkersuisut akuerisummi piumasaqaatinik aalajangersaasinnaapput.

Eqqartuussivinnut suliakkiussisarneq

§ 29. Pissutsit Inatsisartut inatsisaanni pineqartunut ilaasut pillugit aalajangiineq, piffissamut killiliussap ukiumik ataatsimik sivisussuseqartup iluani eqqartuussivinnut suliakkiunneqarsinnaavoq, taamaattoq takuuk § 31.

Imm. 2. Aalajangiinerup eqqartuussivinnut suliakkiunneqarnera, Naalakkersuisut allamik aalajangiussisimanngippata, kinguartitsinermik sunniuteqassanngilaq.

Imm. 3. Aalajangiineq eqqartuussivinnut suliakkiunneqartoq, siullertut suliarinnittussatut Kalaallit Nunaanni Eqqartuussivimmut suliakkiunneqassaaq.

Imm. 4. Akuersissut malillugu aalajangiineq pillugu aaqqiagiinngissuteqarneq isumaqtigisiitsiniartartumut eqqartuussivimmut suliakkiunneqartussaappat, akuersissut pillugu aalajangiinermut taamaaqataanik imm. 1-3-mi aalajangersakkat atuupput.

Aalajangiineq taamaattoq piffissamut killiliussap ukiumik ataatsimik sivisussuseqartup iluani isumaqtigisiitsiniartartumut eqqartuussivimmut taamaallaat suliakkiunneqarsinnaavoq.

Kapitali 9

Tusarniaaneq

§ 30. §§ 3, 4 malillugit imaluunniit 8 malillugu akuersisummik tunniussinissamik qinnuteqaammi sumiiffik kommunimiittooq pineqartunut ilaappat, Naalakkersuisut suliami aalajangiinnginneranni, Naalakkersuisut kommunimut tusarniaassapput.

Imm. 2. Akuersisummik tunineqarnissamik qinnuteqaammi sumiiffik kommunit aggorerisa avataanniittooq pineqartunut ilaappat aammalu innuttaasunut siunnersuisooqatigiit piginnaatitaaffiini pineqartunut ilaappat, Naalakkersuisut suliami aalajangiinnginneranni, Naalakkersuisut innuttaasunut siunnersuisooqatigiinnut tusarniaassapput.

Kapitali 10

Arsaarinnissuteqarneq

§ 31. Naalakkersuisut piginnaatitaapput pigisanik aalaakkaasunik arsaarinninnikkut pigisaqalersinnaanermut piginnaatitsissummik pigisaqartut Naalakkersuisullu atorsinnaasaannik inatsit manna malillugu suliffiup pineqartup piviusungortinnissaanut pisariaqartunik. Arsaarinnissuteqarneq pissaaq pigisanik aalaakkaasunik arsaarinnissuteqartarneq pillugu Inatsisartut inatsisaanni malittarisassat malillugit.

Kapitali 11

Inatsisit allat

§ 32. Kalaallit tunisassiaasa avammut nioqqutigineqartarnerat pillugu
akuersissuteqartarnermut Inatsisartut peqqussutaat, Inatsisartut inatsisaat malillugu sermip
erngullu avammut nioqqutigineqartarneranut atuutinngilaq.

Imm. 2. Pisortat ingerlatsinerat pillugu paasitinneqarsinnaatitaaneq pillugu Inatsisartut
inatsisaat, ingerlatat Inatsisartut inatsisaanni pineqartunut ilaasut pillugit nalunaarusianut
Naalakkersuisunut tunniunneqartunut, atuutinngilaq.

Imm. 3. Kalaallit Nunaannut, Kalallit Nunaannit Kalaallit Nunaannilu usinik imaatigut
assartuineq pillugu inatsisit, ingerlatanut akuersissummi Inatsisartut inatsisaat malillugu
tunniunneqartumi pineqartunut ilaasunut atatillugu imaatigut assartuussinermut atuutinngillat.

Kapitali 12

Pineqaatissiissutit

§ 33. § 2, imm. 1, aamma imm. 2, oqaaseqatigiit aappaat, § 24, imm. 1, oqaaseqatigiit
siulliit, aamma imm. 2, oqaaseqatigiit siulliit, § 28, imm. 1-imik unioqqutitsinerit Kalaallit
Nunaanni pinerluttulerinermut inatsimmi maleruagassat malillugit akiliisitsinermik
pineqaatissiinermik malitseqarsinnaavoq.

Imm. 2. Piumasaqaatit § 14, imm. 1, oqaaseqatigiit aappaat, § 15, imm. 2, oqaaseqatigiit
siulliit aapaallu, § 16, imm. 2, § 17, § 18, § 24, imm. 1, oqaaseqatigiit aappaat aamma imm. 2,
oqaaseqatigiit aappaat, aamma imm. 3, aamma imm. 4-mi aalajangersakkanik
unioqqutitsinerit Kalaallit Nunaanni pinerluttulerinermut inatsimmi maleruagassat malillugit
akiliisitsinermik pineqaatissiinermik malitseqarsinnaavoq.

Imm. 3. § 22, imm. 2 aamma § 23, imm. 1 najoqqutaralugit peqqussutinik
nalunaarutigineqartunik unioqqutitsinerit Kalaallit Nunaanni pinerluttulerinermut inatsimmi
maleruagassat malillugit akiliisitsinermik pineqaatissiinermik malitseqarsinnaavoq.

Imm. 4. Peqqussutinut § 13 naapertorlugu aalajangersagaasunut Kalaallit Nunaanni
pinerluttulerinermut inatsimmi maleruagassat malillugit akiliisitsinermik pineqaatissiinerit
aalajangersarneqarsinnaapput.

Imm. 5. Inatsisartut inatsisaat imaluunniit peqqussutit Inatsisartut inatsisaat naapertorlugu
aalajangersagaasut akiliisitsinissaq inatsimmi tunngavissaqartippassuk, Kalaallit Nunaanni
pinerluttulerinermut inatsimmi maleruagassat inatsisit malillugit pisinnaatitaasoq
akiliisitaanissamut pisussaaffilerneqarsinnaapput.

Imm. 6. Akiliisitsinerit, Inatsisartut inatsisaat imaluunniit aalajangersakkat Inatsisartut
inatsisaat malillugu aalajangersarneqartut malillugit pineqaatissiissutigineqartut, Nunatta
Karsianut nakkartassapput.

Kapitali 13

Atuutilernera, atorunnaarsitsineq aamma ikaarsaarnermi aalajangersakkat

§ 34. Inatsisartut inatsisaat ulloq 1. januar 2019 atuutilerpoq.

*Imm. 2. Peqatigisaanik sermip erngullu avammut nioqqtissatut atorneqarnissaat pillugu
Inatsisartut inatsisaat nr. 7, 31. maj 2001-imeersoq atorunnaarsinneqarpoq.*

§ 35. Avammut nioqquqteqarnissaq siunertalarugu sermimik imermillu
misissueeqqaarnissamut imaluunniit atuinissamut akuersissutit, Inatsisartut inatsisaata
atuutilernerani tunniunneqareersut, atuutiinnassapput.

*Imm. 2. Inatsisartut inatsisaat aamma, Inatsisartut inatsisaata atuutilernerani, akuersissutinut
taamaattunut, akuersissutit taamaattut malillugit pisinnaatitsisummit pigisaqartunut kiisalu
ingerlatanut sermip erngullu avammut nioqqtissatut atorneqarnissaat pillugu Inatsisartut
inatsisaat nr. 7, 31. maj 2001-imeersumi pineqartunut ilaasunut, atuuppoq.*

*Imm. 3. Inatsisartut inatsisaat tamatuma saniatigut ingerlatanut, ilanngullugu avammut
nioqquqteqarnissaq siunertalarugu sermimik imermillu atuineq, sermip erngullu avammut
nioqqtissatut atorneqarnissaat pillugu Inatsisartut inatsisaat nr. 7, 31. maj 2001-imeersumi
pineqartunut ilaasunut aammalu Inatsisartut inatsisaata atuutilernissaa sioqqullugu
ingerlanneqartunut, atuuppoq.*

*Imm. 4. Inatsisartut inatsisaat aammattaaq aalajangiinernut Inatsisartut inatsisaata
atuutilernissaa sioqqullugu sermip erngullu avammut nioqqtissatut atorneqarnissaat pillugu
Inatsisartut inatsisaat nr. 7, 31. maj 2001-imeersoq malillugu aalajangiiffigineqartunut,
atuuppoq, tassani taamaattoq piffissamut Inatsisartut inatsisaata atuutilernera
aallarnerfigalugu naatsorsorneqassallutik.*

*Imm. 5. Ingerlatassanut akuersisummik qinnuteqaatit pillugit suliat § 2, imm. 1-imi
taaneqartut, Inatsisartut inatsisaata atuutilernerani naammassillugit suliarineqarsimannngitsut,
Inatsisartut inatsisaat malillugu suliarineqarnerat ingerlateqqinnejassaaq.*

§ 36. Allaffissornikkut peqqussutit, Inatsisartut inatsisaata atuutilernerani, sermip erngullu
avammut nioqqtissatut atorneqarnissaat pillugu Inatsisartut inatsisaat nr. 7, 31. maj 2001-
imeersoq malillugu, aalajangersagaasut, taakkua atorunnaarsinneqarnissaasa tungaanut,
Inatsisartut inatsisaat malillugu allanguuteqarlutik, atuutiinnassapput.

Namminersorlutik Oqartussat, ulloq xx. xxx 2018

Kim Kielsen